

那文毅公奏議

那文毅公西寧辦事大臣奏議卷十六目錄

卷十六

勦捕野番

籌辦善後

那文毅公西寧辦事大臣奏議卷十六

男
容安恭輯

勦捕野番

嘉慶十二年九月初三日會同寧夏將軍與公奎

陝甘總督長公齡

奏爲沙卜浪大喇嘛諾爾布帶同大頭目完木古等來

營頂經具結投首並尖木贊來營歸命

天威遠播邊塞肅清恭摺馳

奏事竊

臣

等前將官兵搜捕沙卜浪餘賊並該番畏懼

乞降先行酌撤官兵緣由已於二十五日恭摺具

奏在案自桑爾吉等去後於二十七日尖木贊來營投
首據稱我雖與沙卜浪之人不睦喇嘛諾爾布平
素待我甚好如今情愿出力自贖前往傳喚該番
目等來營投首等語當卽令該番隨同喇嘛昂負
星夜前去旋於初一日尖木贊昂負帶同喇嘛諾
爾布並頭目完木古藍奔甲敦柱布班的策凌等
同來大營臣等當經面見該喇嘛並各番目等責
以搶掠蒙古並抗拒官兵之罪據諾爾布供稱沙
卜浪本係六族同居賢愚不等我時常勸諭各頭
目等嚴加管束他們都不聽話此次官兵到來我

再三勸他們不可抗拒自有生路他們仍然不聽以致多被官兵殺死我因這族中難以存站原想另尋地方居住焚修任他們禍至滅族也不管了今完木古等跪地哀求痛哭流涕要我出來與他們求恩作保我想這族中原有好事人在內且爲首兇徒均已殺死諒他們不敢再生事端所以纔來大營替他們乞命只求各大人奏求

大皇帝施恩貸他們一死我叫他們頂經發誓我情愿具結保他們以後再不敢犯法又據番目完木古等供稱我們都是沙卜浪族中頭目此次不信諾爾

布的話以致家破人亡後悔無及只求各大人施
恩饒我們性命我們情愿頂經發誓再不敢生事
了語畢齊聲痛哭伏地不起臣等察其情詞實屬
真切當經宣諭該番目等爾等罪孽深重

王法斷不能容今既真心悔罪可以免你們一死如今
大皇帝施天地之恩下了

諭旨准你們投誠免死嗣後若有犯必當滅爾全族該
番目等碰頭叩謝隨令諾爾布帶同該番目等卽
在大營對臣等照番子規式頂經發誓查該族尙
有各散番等人數稍多未便全令來營若不令其

一併發誓恐人心不齊尙不結實卽令延嘉呼圖克圖納旺丹津喇嘛羅布藏丹津林沁等前赴葉什冲寺傳喚各散番坐床誦經令各散番均行頂經發誓初三日延嘉呼圖克圖等令各散番發誓訖隨帶領番目齊洛策旦加勒羅布藏納木塔爾沙木棍木初克札卜完瑪他爾等呈具悔罪甘結前來所有番子原結並譯出漢結一併呈

覽至

臣

興奎前奏葉什羣科納克索那克三族內俱有應行獻出之賊俟軍務稍有頭緒再著落要賊今查葉什羣卽係葉什冲寺科納克卽係可納索那克

卽係梁格均係沙卜浪六族中之人該族業經官
兵痛勦殲斃多賊搶獲牲畜焚燬土房已足示儆
自可勿庸再令獻賊交贖又貢楚克札布前奏獲
犯完的供出做賊各族均已陸續來營投首連日
又有萬受建咱舍納才完完佳等族前來大營投
誠均經賞給安撫告示安插住牧去訖當復傳訊
尖木贊爾旣隨營効力因何潛逃回家及至傳喚
復來因何又不進營領賞據供前因隨同官兵攻
打汪什代克一族致被該番懷恨要劫殺我家屬
所以連夜趕回護救不會稟明是我糊塗該死後

將軍傳喚我就星夜趕來因天色已晚尚不曾見將軍大人原等次早進營領賞不料官兵半夜來拏我只得暫時逃命我自十八歲出來與

大皇帝當差効力屢次辦理番案查緝賊賊如今已五十
九歲從不敢躲懶蒙

大皇帝天恩賞給翎頂就是犬馬也知感激何況我是箇人不但並無叛逆之事且亦不敢有叛逆之心不想貢大人自到西寧以來就疑心我這次我隨同官兵打仗幫貼烏拉運糧貢大人還不肯信總疑我是叛逆要拏我問罪這總是我福命衰薄不能

頂受

大皇帝恩典所致我如今將六十尙無子嗣惟有捨此性命以圖報答

大皇帝天恩語畢涕零臣等詰以爾旣無叛逆之事爾姪

才楞何以供稱各族賊人搶了東西均與爾分給一半又供爾挑出馬賊七百人預備抗拒官兵呢據稱姪子才楞完的與我並非一處居住相隔俱有二三百里不等聞他們平日甚不安分常在汪什代克並沙卜浪等族中隨同做賊我時常管教他們不服原說要將他們細縛送營不料他就懷

恨污蔑如果我有坐地分贓的事就該袒護賊人
豈肯屢次查緝賊賊此次又豈肯隨同官兵攻打
賊番如果我有馬賊七百人又何連家產不能保
全只求詳情臣等又問聞爾家屬俱已失散如今
有無下落據供現都在家中並未失散各等供臣
等細察情詞徧加訪問蒙古番人及各喇嘛等僉
稱尖木贊實無叛逆情事當卽加以撫諭仍令照
舊當差伏查循貴野番不通

教化六羊成性貪黷無休從前疊次搶劫蒙古牲畜什
物均經隨時查辦懾以兵威使其獻賊交贓以伸

國法其餘黨惡卽從寬貸原以蠶爾番族冥頑無知不
恤勞我師徒殲彼鳥獸乃本年春夏該番賊等竟
敢逞其頑梗搶掠邊民並及行旅孽由自作罪不
容誅仰蒙

皇上洞悉邊情不存姑息赫然

震怒問罪與師調兵八千名

發帑三十萬飭令臣興奎振旅西來長驅深入嗣又飭

臣長齡臣那彥成協同籌辦臣等秉承

廟算勦撫兼施先行宣諭各番毋滋惶惑順我者不驚草
木逆我者必剗根株

威令所昭風行草偃惟卓色勒他受都受完受加咱揣咱
干木勒汪什代克沙卜浪等族番賊怙惡不悛公
然抗拒節經我兵痛加勦洗直搗賊屯殲醜擒渠
追奔逐北雷轟電掣燬穴焚巢斬馘賊黨千餘人
收獲牛羊十餘萬該番賊等驚魂喪膽俯伏投誠
陸續來營乞命者共有四十餘族靖狐兔於邊陲
化梗頑於指掌此皆仰仗我
皇上廟謨廣運決策機先並賴各將士一志同心不遺餘
力又得各喇嘛等傳播

德威宣揚

教化是以

天戈所指烽燧全消自夏徂秋凡四閱月

威稜旣振奏凱班師該番等經此次痛懲之後震慄悚惶
兇頑頓戢縱此後鼠竊狗偷或不免而該番等
顧惜身家性命諒斷不敢任意搶掠再肆猖狂

臣

等現將官兵全行撤回俾資休息所有善後章程

容_臣等旋抵貴德再行悉心籌議另行奏

聞茲當軍務告蒞邊塞肅清謹遵

旨由五百里恭摺馳奏謹

奏奉

硃批覽

嘉慶十二年九月十六日軍機大臣字寄奉

上諭興奎等奏番族震懾軍威投誠歸命並番目尖木贊
來營投誠邊境收寧一摺覽奏俱悉番眾賊性蠢頑間
有一二匪徒鼠竊狗偷搶掠牲獸向所不免乃本年春
夏之間該番賊等竟敢肆意搶奪擾及邊民爲害行旅
實屬孽由自作罪不容誅是以調集官兵頒發帑項飭
令聲罪致討經官兵節次攻擊殲擒賊犯多名該番眾
等畏懼乞降聞風踵至其沙卜浪一族在番眾中最爲
强悍官兵痛加殲戮焚燬賊巢該番族喪膽驚魂頭目

完木古等懇祈大喇嘛諾爾布帶領詣營投首乞命頂
經發誓不敢再滋事端並據該喇嘛出具甘結保狀是
該番衆畏威悔罪竇出至誠前經疊降諭旨以番衆良
莠不一務須分別勦撫原不欲犁庭掃穴將番族悉予
殲除今旣震懾投誠自應法外施仁寬其一綫仍著與
奎等諭令延嘉呼圖克圖等向番衆明白曉諭自此次
曲從寬贖之後務各安分守法倘再作奸犯科必當從
重懲辦至番目尖木贊因從前屢次辦理番案當差出
力曾經賞給翎頂身受厚恩此次賊番滋擾理宜力圖
報効乃始則隨營効力旣又乘間潛越雖據與奎等傳

訊該番目幫貼烏拉運送糧餉並無叛逆情事卽伊姪才楞所供該番目預備抗拒官兵分受贓物等事亦詢係挾嫌污蔑祇因貢楚克札布輕聽浮言妄行捕捉是以避匿遠颺但該番目旣自問並無罪愆於貢楚克札布派兵往拏時卽應自行投案何至遽行逃遁本應嚴革姑念其旋即來營若再不知愧勉致番衆故智復萌或有滋擾情事卽將伊從嚴治罪決不姑貸此時番境寧輯邊塞肅清前調官兵卽可全行凱撤興奎長齡那彥成於旋抵貴德籌議善後章程後卽著各回本任興奎自調赴西寧督辦軍務尙爲妥協本應加以獎敘惟

伊於貢楚克札布妄拏尖木贊一事不能阻止又不據實劾察實有應得之咎前已有旨令軍機大臣等議以革職會諭令於軍務告蒞時再行核辦茲念帶兵出力過尙足相抵著加恩免其革職無庸交部議敘長齡那彥成均馳抵軍營未久旋即竣事亦無庸交部議敘其奪獲牛羊牲畜仍著遵照前旨分賞喇嘛蒙古出力官兵撒拉爾回兵無庸賞還番衆或該喇嘛等於頒賞祇領後私行分給番衆亦聽其自便可也再前次揀發前往軍營帶兵之侍衛章京孟興保等六員曾經諭令長齡等俟軍務告蒞即將該員等留於陝甘以營員補

用惟念該員等弓馬雖均嫻熟而於綠營漢字事件恐未必盡能諳習著長齡將該員等帶回省城逐加考驗如能通曉漢文堪以營員補用者卽酌量奏留補用倘不能認識漢字僅止技藝奮勇卽著奏明仍令由驛回京供職

嘉慶十二年九月十二日會同寧夏將軍興公奎
陝甘總督長公齡

奏欽奉

諭旨由京揀派東三省曾經出師年力精壯技藝趨捷之侍衛章京數名馳驛前赴西寧交興奎等酌派領隊俾

資得力俟勦辦番賊完竣卽將該侍衛章京等留於彼處交長齡那彥成以營員補用欽此茲該侍衛章京阿勒漢保等於九月初一日到營適軍務業已完竣

自應遵

旨留於陝甘以綠營相當缺出補用惟據該侍衛章京等呈稱三等侍衛阿勒漢保三等侍衛德克登保委署護軍叅領庫克精阿係嘉慶八年甫經駐京漢語漢字俱不通曉副護軍叅領吉爾通阿莫爾根保現有老親均不願外任懇請仍回京城當差等情查阿勒漢保等五員既不願外任自應仍令回

京現已給咨起程內委署護軍叅領孟典保一員
情願留甘學習應俟有相當缺出再行奏補並咨
明領侍衛內大臣並兵部謹

奏奉

硃批所辦甚是

嘉慶十二年九月十二日會同寧夏將軍興公奎

陝甘總督長公齡

奏爲遵

旨覆奏事竊臣等欽奉

諭旨貢楚克札布派委何員往拏尖木贊及尖木贊如何

乘間逃逸摺內未經聲敘明晰著興奎等詳細確查貢
楚克札布原派何員尖木贊或係因透漏消息聞風潛
逃或係因官兵到彼目擊驚逸或因捕捉情急竟有抗
拒官兵情事俱不可不根究切實如尖木贊祇因震懾
竄匿卽當明白曉諭以伊本無不合貢楚克札布捕拏
錯誤殊未允協仍可令其來營効力倘竟有抗拒不法
之事則是情同叛逆惟應曉諭番衆將尖木贊縛獻治
罪以示懲儆此一節著興奎等詳細查明由五百里覆
奏欽此當卽遵查尖木贊於六月二十八日來至甘壩
營時天色已晚貢楚克札布同提督百祥總兵蕭

福祿游棟雲九十等均在臣興奎帳房籌商進勦

沙卜浪之事貢楚克札布因尖木贊不肯進營領

賞疑其反覆無常卽欲乘夜擒拏免致逃遁臣興

奎與該提鎮等力言俟事定後再爲從緩商辦而

貢楚克札布立意甚堅言語不投未經定議而散

旋各提鎮等復懇請臣興奎再向貢楚克札布婉

言阻止臣興奎卽帶同該提鎮等至貢楚克札布

帳房內商勸詎貢楚克札布云是我一人立意如

此辦理若有一人不遵卽當指名叅奏等語臣興

奎與該提鎮等見其詞意決絕遂未再向攔阻卽

殊

於是夜二鼓派令百祥蕭福祿游棟雲九十等帶

成何體統

領官兵潛往掩捕大營距尖木贊插帳之處僅四

五里之遙人馬踏冰過河夜靜有聲遂爲尖木贊

知覺乘夜各自分頭逃走並未有抗拒官兵情事

此係實在情形臣長齡臣那彥成復問別詳問百

祥蕭福祿九十等所述均屬相同是以尖木贊來

營投首時臣等當卽加以撫慰仍令其隨營効力

業已隨時酌加賞資以示鼓勵查循化所屬沙卜

浪各族頭目頂經發誓悔罪投誠時尖木贊來往

傳諭極其出力今臣等回至貴德尖木贊又帶同

貴德所屬揣咱上下剛咱查納黑卓色勒他受完
受都受他爾迭黑沙占札干布录五都受淵竹建
咱舍納汪什代克等十六族番目來城叩見臣等
仍令延嘉呼圖克圖納旺丹津甲木錯喇嘛丹津
林沁喇嘛羅布藏等卽在貴德文昌廟內坐床諷
經令該番目等一體頂經發誓更覺結實而尖木
贊之感發出力亦係真心茲復傳宣

諭旨令其勉力當差該番目涕泣碰頭感戴

聖仁出於至誠莫能自己其前次賞戴五品頂帶花翎可
否仍令其戴用之處出自

天恩至此次勦捕各番族失業者既多將來調劑甚難

臣

等正在籌商之際奉到

諭旨令將所有節次奪獲牲畜於接濟官兵口食分賞蒙
此外其餘俱賞給降番仍諭以番衆遠處邊隅既知守
分畏法卽蒙聖恩撫卹倘再越境滋擾故智復萌必當
調集官兵痛加誅戮欽此仰見我

皇上洞察機宜

恩威並濟令蠢爾無知之輩知威知畏邊荒均蒙樂利

臣

等惟有欽遵凜服卽將節次所獲牲畜除接濟官
兵口食並分賞凱撤官兵及撒拉爾回兵分起各

歸原營外臣等當卽遵照

諭旨傳集各降番頭目宣播

皇仁均勻賞給並諭以

大皇帝並非因奪獲爾等牲畜過多仍行

賞還特以爾番族中做賊之人固多安分之輩亦不少今

既頂經發誓真心投誠情殊可憫以後便都是

大皇帝善良赤子是以

賞給爾等的可將此項羊隻均勻分給族中窮苦之人俾

資餬口倘再滋事定行調集官兵將爾等全族剿

滅該番目等俱感畏歡欣叩謝而去惟蒙古等尋

常卽不能自守已屬無能而且引路分贓自傷骨
肉直是毫無人心且又風聞大兵進剿沙卜浪時
竟有蒙古代賊寄頓牲畜之事容俟臣等查明再
行奏辦外刻下所獲羊隻自不應賞給以示區別
至貢楚克札布原不曉軍務臣與奎於其任意失
宜之處未能擋阻又未察奏實在戰懼慙懣無地
自容謹候嚴議現在大功告成惟有竭盡愚誠會
同臣長齡那彥成悉心籌畫一切善後事宜以冀
勉贖前罪謹

奏

嘉慶十二年九月二十三日軍機大臣字寄奉

上諭興奎等奏遵旨查明貢楚克札布妄拏番日尖木贊緣由一摺據稱尖木贊於本年六月來至甘壩大營時貢楚克札布提督百祥等均至興奎帳房等商進剿沙卜浪之事貢楚克札布因尖木贊不肯進營領賞疑其反覆卽欲乘夜擒拏經興奎提鎮等力言勸阻而貢楚克札布主意甚堅未經定議旋經提鎮等復懇興奎往貢楚克札布帳房商勸貢楚克札布輒云是伊一人立意辦理若有一人不遵卽當指名叅奏隨於是夜派百祥蕭福祿游棟雲九十等帶兵掩捕因人馬踏水過渡

夜靜有聲尖木贊知覺逃遁並無抗拒官兵情事等語
此次興奎貢楚克札布等統領官兵進勦番族尖木贊
並無叛逆情事貢楚克札布輕聽人言以尖木贊素與
番賊分贓挑備馬賊七百人欲與官兵抗拒不審虛實
並因其不肯進營領賞疑其反覆無常率欲乘夜往擒
已爲錯誤當經興奎及百祥等四人力勸至再猶堅不
聽從並稱有一人不遵伊卽指名叅奏詞意決絕實屬
任性乖張且伊旣以尖木贊必當擒拏銳意辦理卽當
親自督同提鎮等帶兵前往而又怠惰不出高卧帳中
僅諉之百祥等夤夜查拏任令疎縱尤屬錯謬無能貢

楚克札布前已革職降旨諭令德楞泰及沿途督撫於其赴京途次押解來京覆加審訊此時業經查明無可再訊應卽治罪示儆著傳諭沿途各督撫於此旨到時查明貢楚克札布行至何處傳旨卽照軍機大臣等所議發往烏魯木齊自備資斧効力贖罪與至於貢楚克札布任性妄擊之時雖經勸阻二次旋即聽其所爲以爲辦理失當本當照前議革職因其勦辦賊番統兵尙爲出力功過足以相抵前經降旨寬免摺內自請嚴議之處無庸再行交議至百祥蕭福祿游棟雲九十四員此次帶兵勦辦賊番尙出力百祥昨經與奎等保奏

到時曾經賞還花翎並交部議敘其蕭福祿等亦曾有旨交與奎等核其勞績請旨施恩但伊四人於貢楚克札布欲拏尖木贊之時雖經用言勸阻既經貢楚克札布派令往捕卽當密往拏獲何以被尖木贊知覺潛逃看來百祥等本有欲擒拏尖木贊之心未經認真圍捕以致尖木贊知覺逃脫而於尖木贊既經逃脫之後又不帶兵緊追實有應得之咎百祥除賞還花翎免其追繳外其交部議敘之處著撤回蕭福祿游棟雲九十均無庸再行保奏伊四員亦無庸再行議處至與奎摺內請旨將尖木贊可否賞還原用翎頂之處尖木贊雖

尙知恭順但伊於官兵往拏之時自當束身聽命將並無叛逆情事到案供明何得輒行潛逃不肯受捕亦當量加懲處著與奎仍遵照前旨賞給七品頂戴並傳令奮勉當差管束番族俟二三年後再行奏聞請旨又據招內奏稱風聞大兵進勦沙卜浪時竟有蒙古代賊寄頓牲畜之事殊爲可恨此次官兵進勦賊番原因蒙古代番衆欺凌代爲勦辦乃前日官兵於拏獲賊番內卽訊有蒙古引路分贓幫同打仗者而此時復查有代賊寄頓牲畜之事尤出情理之外不可不嚴辦示懲著與奎等卽行詳悉查明具奏

籌辦善後

嘉慶十二年九月十二日會同寧夏將軍興公奎
陝甘總督長公齡

奏爲派員驅逐逃入內地之蒙古以清邊界事竊查青
海蒙古住居河北者二十五旗近年因畏賊番搶
掠往往逃入邊界之內以避兇鋒而不肖蒙古卽
帶領番賊尋踪踵至野番不知何爲內外因搶劫
蒙古遂併及內地居民該番等旣犯

天朝邊地卽不得不加以勦辦本年番子擾至大通一帶
實由於此前次地方文武稟報有蒙古逃至日月

山卡內者二十餘戶又逃至丹噶爾汎內者一百七十餘戶雖經貢楚克札布行令各營驅逐該蒙古等各回部落後是否全行撤回無從知悉必須派委大員確切查看實力驅逐以免別滋事端臣等現已飭委西寧鎮九十前往鎮海白塔拉課永安大通一帶逐處詳查如有寄居內地之蒙古卽諭以賊番業已投誠催令迅速撤回游牧處所毋許稍有逗遛使內地邊界一清卽不致再生他釁再每年季例應致祭青海

靈神臣那彥成現在會商善後事宜未能親往卽令

九十於查逐之便順道前赴青海代爲致祭以昭

祀典謹

奏

謹按嘉慶十二年十月初五日廷寄內奉

上諭興奎等另摺稱河北蒙古二十五旗逃避番賊有住
居日月山卡內者二十餘戶逃至丹噶爾汛內者一百
七十餘戶現在派總兵九十驅逐等語所辦殊未妥協
蒙古臣服已久近年爲番賊所迫逃入內地今官兵勦
定賊番之後惟當聽其勸諭以賊番業經畏懼天威不
敢再有侵犯爾等儘可自回原住地方照常游牧不必

在此躲避該蒙古等自亦情愿搬回不致久佔設立鄂博明立地界併嚴諭民人蒙古番子各守禁限毋許攙襍自不致再有侵軼之事可期邊圉永臻寧謐

嘉慶十二年九月十二日會同寧夏將軍興公奎

陝甘總督長公齡

奏爲籌議西寧善後章程事竊查循貴野番不法屢肆搶劫蒙古節經隨時查辦嘉慶八年又經

欽差侍郎貢楚克札布等酌議八條奏蒙

允准在案查番子部落渙散其性貪而多疑往往同類併凌不能聯爲一氣惟知遇強卽畏遇弱卽掠旣不

知禮法亦不知分別內外多立規條愚番仍不能盡悉與其徒爲無益紛擾莫如固我藩籬需以柔化似爲稍得要領茲臣等悉心斟酌體察番情復議定五條恭請

訓示如蒙

俞允臣長齡臣那彥成惟有督率所屬實力奉行不使徒

托空言務期盡收實效以仰副

聖主懷柔外番綏靖邊圉之至意此外尙有應行

奏辦之事容臣等續行奏

聞謹

奏

謹將善後各條敬繕清單恭呈

御覽

一黃河北岸宜撥兵駐守來往巡查以臻嚴密也
查嘉慶八年侍郎貢楚克札布等

奏定章程每年霜降前循化貴德兩營參遊會同兩廳
各帶兵一百名穿越番地及交界之清水河會
哨一次所帶兵丁按日准給口糧等因歷年遵
辦在案惟官兵約期會哨番衆必有聞知兵到
之處賊番早已潛踪兵過之後仍然四出滋擾

今春大通之事已可概見查黃河水橋結凍之後可以踏冰過河直抵青海之路共有七處而適中最要者爲鄂倫布喇克應請於冰橋結凍時派撥西寧營官兵六百名並派叅遊一員帶領在於鄂倫布喇克留兵二百名駐守其餘四百名作爲四起分向東西兩路彼來此往換班梭巡直至冰化後再爲撤回原營兵丁按日准給口糧其會哨之例即可停止如此酌量變通則稽查嚴密賊番無隙可乘庶於邊防可收實效矣

一嚴禁通事人等私入番地以免勾結也查內地通事熟悉番語往往私入番族透漏內地消息或指示內地道路藉以誑騙資財牲畜以致賊番敢於肆逞應嚴禁通事人等若非奉票傳喚番民緝拏番賊不准私赴番地並令文武各該衙門造具通事名冊間日點查如有私自潛赴番地者卽核其犯事輕重稟明西寧辦事大臣衙門從嚴懲辦並傳諭各族番民如有通事人等不持官票私入番族者令該番等送出懲治倘有隱匿查出一併治罪則內地與外番聲氣

隔絕不致有勾結潛通之弊矣

一嚴諭各寺喇嘛不准濫與番子念經以生其愧悔之心也查番性信佛最重喇嘛念經祈福消災無論貧富皆延請喇嘛諷經若喇嘛不與諷經卽爲同類所鄙棄此番族向來之風俗也嗣後應嚴諭各寺喇嘛務須分別黑白若係良善白人方准與之念經若係做賊黑人概不准與念經倘該喇嘛等希圖布施不分黑白濫與念經一經查出卽將該喇嘛等從嚴辦理庶可因其性之所近以生其愧悔之心查此次用喇嘛

辦理番情較爲得力嗣後循化各族卽責令隆務寺昂尙喇嘛根惇甲本錯稽察約束倘有不遵者隨時稟報懲辦貴德各族卽令喇嘛羅布藏率同尖木贊隆本等稽察隨時稟報並令延嘉呼圖克圖同伊弟什加班智達呼畢勒罕丹津林沁等總司其事隨時稟知西寧辦事大臣核辦如此辦理似覺鄭重而層層稽察不致多生弊竇較前專用通事人等更爲得力矣

一蒙古戶口丁數宜切實清查以便稽核也查青海衙門定例令蒙古王公等將所屬各旗丁數

造具清冊按三年具報一次止有壯丁人數並無老弱婦女該蒙古所屬之人戶東西散處往往逃入番族亦無從稽查每至造報丁冊之年約畧造報僅爲具文其實並非確數嗣後應嚴飭該蒙古王公等務須確切查明老幼婦女壯丁人數造具戶口清冊註明年貌賫送青海衙門查核如有滋生事故及逃入番族者隨時具報以便登記查辦並令每年歲底造報一次以憑核對則該蒙古等知所儆懼留心稽查庶不致紛紛逃入番族至蒙古服色本與番子迥殊

今蒙古率皆穿戴番子衣帽毫無區別以致易於淆混往往蒙古帶領番子搶掠者實無從辨其真偽嗣後應嚴飭該蒙古王公禁止屬下人等不准穿戴番子衣帽如有不遵該王公等卽加嚴懲倘該王公等不能自行嚴禁一經查出將該王公等一併嚴叅示懲

一循貴兩廳同知應請不拘旗漢人員以便易於得人也查嘉慶八年貢楚克札布等

奏定章程循貴兩廳同知應用旗員等語特以旗員通曉清語辦理蒙番事件較爲熟諳第通省旗員

無多此內或人地不宜或礙於處分一時不能得人每至出缺深費周章竊以文員辦理地方但能實心任事即可措置得宜如從前貴德同知姜有望係屬漢員查辦番案出力曾經

賞戴花翎原不必定用旗員始能練達邊務嗣後應請循貴兩廳同知缺出但擇人地相宜之員酌量陞調不必專用旗員庶易於爲地擇人不致爲成例所拘矣

嘉慶十二年十月初五日軍機大臣字寄奉

上諭興奎等奏籌議西寧善後事宜五條繕寫清摺呈覽

朕詳加披閱所議多有可行惟嚴諭各寺喇嘛不准濫
與番子念經一條於理不通番族賦性愚頑幸賴其敬
重喇嘛尚可勸令爲善卽如此次沙卜浪滋事之初喇
嘛譯爾布卽曾再四勸諭以官兵到時不可抗拒並因
其不肯受勸卽欲另往焚修將來一切不管該賊番果
心存畏懼仍向該喇嘛跪地哀求欲其保救經該喇嘛
等帶同前赴大營頂經發誓是其信服有素正可藉喇
嘛以化導冥頑若如興奎等所議嗣後各寺喇嘛不准
與做賊黑人念經豈不阻其向善之心而堅其爲惡之
念且伊等原議如該喇嘛等希圖布施不分黑白濫予

念經一經查出並將該喇嘛嚴辦如此則將來設有滋事之人訊出喇嘛曾與念經並須將各寺喇嘛紛紛查辦尤多窒礙此一條毋庸置議又黃河北岸派兵駐守并換班巡查一節自應如此辦理惟摺內未提及青海蒙古派兵隨同防守尙未周到應傳諭蒙古等以此時勦辦賊番大局已定所有一切邊界本當交爾等自行防守今天朝以爾等積弱之餘加恩衛護特派兵六百名加給口糧在彼嚴密巡查代爲防守爾等豈有轉不派兵自衛之理卽爾等所派兵數不能如天朝六百名之多亦當酌量派撥二三百名隨同防守庶爲得體又

嚴禁通事人等不許私入番地一條所議甚是漢人私入番地來往勾通不但誑騙資財牲畜致啟番衆劫奪之漸甚且透漏內地消息指示內地路徑其釀惡不可勝言嗣後非但通事人等不准私入番界卽內地民人凡有通曉番語者私自潛往卽係漢奸亦當普行禁止以杜勾結又清查蒙古戶口一條蒙古屬下之人東西散處往往逃入番族自當查明戶口清冊送存青海衙門以便查核至摺內稱蒙古近來竟有穿戴番子衣帽毫無區別者猶爲可恨蒙古服色循用已久今竟穿戴番子衣帽卽屬忘本不但彼此淆混且遇有番衆搶掠

等事無從辨別所關匪細著嚴諭該蒙古王公等違法穿戴者上緊查拏嚴行懲辦不可姑息其循貴兩廳同知不拘旗漢人員以資治理一條均如所議行

嘉慶十二年十月十二日會同寧夏將軍興公奎
陝甘總督長公齡

奏爲酌籌黃河北岸撥兵屯田以收地利而固邊防事
竊查屢年番子搶掠蒙古今春因蒙古帶路擾及
大通界內蒙

皇上明申捷伐

指授機宜數月之內克捷威事然善後之事莫要於防河

而防河之費必要籌其長久嘉慶八年貢楚克札
布等奏明善後事宜內每年霜降前循貴兩聽文
武派兵二百名會哨其兵丁准給口糧雖所費無
多第經長計算實無底止且撤兵後仍不能保番
子不偷渡滋擾今春之入大通卽其明證倘日後
再有此事又須勞師糜餉更屬不成事體臣等籌
畫及此是以善後摺內稍爲變通巡防祇可暫且
辦理亦非經久之道茲復再四熟籌惟有擇地安
屯可以常爲防禦又可節省經費如果試種有效
於甘省亦有裨益臣等訪聞札薩克貝勒特禮巴

勒珠爾旗下所屬鄂倫布喇克地方居黃河北岸
爲青海咽喉該處水草豐美地宜種植舊有土堡
三處雖年深傾圮而基址尙存並有開墾舊跡測
度情形似係當年駐兵屯田防禦蒙番之地當經
派令遊擊邵能前往查看茲據稟稱黃河渡口自
隆陽峽至噶布古共有七處而登岸之後總歸路
於鄂倫布喇克並附近之恰布恰兩處要隘直過
青海入大通界內又迤西三百餘里亦可由黃河
渡口隆陽峽七處歸總於珠勒格地方通青海入
肅州一帶要路該三處土沃草茂地氣和暖均可

屯田鄂倫布喇克有山水二道自北而南歸入黃
河上游少爲挑挖便可開墾其地東西寬五六里
及十餘里不等南北長七十餘里珠勒克有山水
一道其地東西寬十餘里不等南北長百有餘里
擬於鄂倫布喇克恰布恰二處酌安西寧營官兵
珠勒格一處酌安甘州肅州二營官兵約共可安
兵三千名每年由原營換班試種屯田則扼要之
路重兵屯守可以永杜賊番肆擾之患等語竊思
蒙古懦弱不能自固藩封

天朝大兵原無代爲久戍之理惟該處爲內地藩籬土性

既佳兼有水利若安兵屯田既可裕我兵食亦可
固我邊圉且種植豐稔之後可由車路運糧四日
卽抵西寧再由黃河順流而下徑達蘭州查甘省
土瘠民貧每歲兵糧極費籌算往往兵糧不接多
在西寧碾伯一帶採買若此路屯田有效則蘭州
一帶得此接濟於倉儲營伍益可豐裕至此三處
之地蒙古旣不能自守爲設兵屯防並不妨彼游
牧詢之該處蒙古亦均同聲歡忭僉稱

天朝爲我們安兵防河理應我們供應糧草今旣在此要
路安兵設屯可以永免番子搶掠又不用我們供

應實在感激無地察其情詞出於至誠如果將來
種有成效臣等或再請

旨酌賞一二成更足以廣

皇仁而示綏懷至試種之初所需牛具籽種及開墾工本

並一切詳細章程均須熟加商酌如蒙

俞允容臣等悉心妥議另行奏

聞謹先將大概情形恭摺奏請

訓示並繪圖貼說恭呈

御覽謹

奏奉

硃批軍機大臣會同大學士六部尙書悉心妥議具奏

嘉慶十二年十一月初三日軍機大臣字寄奉

上諭前日興奎等奏請於黃河北岸撥兵屯田一摺朕披閱之下卽覺事不可行因係邊防事宜不厭集思廣益復交廷臣詳議茲據慶桂等會議奏上所見悉同此事斷難辦理已降旨依議行矣屯田自古稱爲邊防良法有寓兵於農之意近年湖南苗疆底定經理屯田數年以來極爲寧謐然揆之西寧現在情形則與湖南迥異湖南苗寨均在山內其屯田處所本係邊內地畝並無妨佔之處且該處旣設有防兵若頻年戍守無所依賴

勢難久駐自不若創興屯田俾戍兵人自爲守倍可收捍衛之益今與奎等所議屯田地方在於蒙古界內未免妨礙伊等游牧之地現在蒙古被番賊侵凌自情願官兵代爲戍守將來日久事定伊等或又以生計窮苦於游牧究有妨礙籲懇施恩將何以應之且戍兵祇三千名亦不足以示威再此次用兵之故係因番賊竄及大通滋擾內地是以大加勦辦至其平日向蒙古搶竊牲畜本屬常有之事卽蒙古呈報遺失牲畜數目亦往往不實豈能逐案爲之查辦儘可加以駁飭今在蒙古地界屯田之後該蒙古等必將遇事竇求何以塞其無

朕之請况設兵安屯原爲防備番賊保護蒙古起見設將來禾稼在地番賊覬覦生心有所侵犯則吏非搶奪蒙古牲畜可比勢難置之不辦豈不愈滋邊釁或蒙古屬下人等亦不免有效尤偷竊之事則辦理更難此事竟不必行至該處邊疆要地本年賊番因蒙古帶路兩次擾及大通自當籌議經久著與奎等查照舊章妥爲設法祇須申嚴邊備自因藩籬使賊番不能竄擾內地勿致輕啟事端是爲至要

嘉慶十二年十月二十四日會同寧夏將軍興公奎陝甘總督長公齡

奏查善後章程內奏准於黃河北岸冰橋結凍時駐守官兵六百名來春冰化時裁撤仰蒙

允准在案惟查黃河北岸安卡適中之鄂倫布喇克等處地方皆係荒僻向無居民廬舍無從覓食而相離原營近則三四百里不等遠則五六百里不等僅給口糧麵一勛未免太苦况該官兵往返梭巡日無停息實與內地營汛駐守官兵勞逸迥殊應請仿照新疆屯防官兵之例於出口之日支給鹽菜遊擊每月鹽菜銀四兩千總每月鹽菜銀一兩七錢把總每月鹽菜銀一兩二錢外委兵丁每月鹽

菜銀九錢其官兵跟役餘丁概行刪除不准支給
以昭節省其鹽菜並馱運口糧腳價等項卽令該
地方官照例供支作正報銷謹

奏

容安謹按此奏奉

旨允行

嘉慶十二年十月二十四日會同寧夏將軍興公
奎陝甘總督長公齡

奏番子自此番懲創以後頗知感畏現雖冰橋結凍並
無往來踪蹟極爲安靜番目尖木贊都拉等俱在

番子邊界來往梭巡不敢懈怠黃河北岸所安官兵聲勢聯絡巡查嚴密臣那彥成接奉

諭旨令蒙古各旗一體安兵防範當卽傳行河北二十五旗札薩克遵照商辦伊等感激

天恩現據該札薩克等情願出兵自數十名至一百名不等共出兵四百名合之官兵共一千名聲威定益壯盛臣那彥成當加鼓勵惟是蒙古力量薄弱此時一奉

諭旨如此踴躍足見其感激恭順出於至誠將來各旗會集或不能湊足四百之數臣等亦當示以體恤准

予通融如果蒙兵漸次振作足以自衛彼時再將官兵陸續裁撤容_臣等察看情形隨時奏請

訓示謹

奏奉

硃批知道了

